

孚佑帝君呂祖廟碑

夫妙門凝邈至道之諦難窮上理虛無真知之宗莫測自
混元立極太始開圖民萌淳悶政化標枝莫知象帝之家
罕造谷神之域泊乎赤明肇運龍漢紀年秘牒通元隱書
詮奧寶笈則九華煥彩靈書則八角垂芒於是至教函三
道風吹萬開渾淪之浩劫生博大之真人代著靈奇遞傳
微妙俱提挈形氣亭毒陰陽若夫宏化濟人養和抱德四
荒四極昭調燮之元功八殞八紘被涵濡之大澤匹文昌
之上相贊曜魄之中樞道俗共尊者其惟

孚佑帝君乎

道藏輯要

二仙菴碑記

萬

翼集一
火。〇。一

帝君體元和之精含太素之氣風儀崑秀操履幽貞罷掇巍
科卽懷高蹈解形默遯鍊氣昭升宅終南之隱墟得鍾離
之真訣不尚鑄凝之術遠懷利濟之心遂乃步景青台餐
霞紫府奉元文於玉笈受秘錄於金壇月腦含芒星肝吐
燄黃芽白雪九六逆取之方外景內篇三五順行之法龍
躡之捷萬里虎伏之威六天濟世無方度人不吝以視推
川珠佩貞白金鑪玉遠知之丹經陶安公之赤冶衡薇降
位開鳴鶴之山抱朴著書留勾漏之井較功量德不可同
年而語矣

聖朝寰海承平天人合慶接萬靈於斜谷觴百神於帝台感福

應之有徵迺崇封之

特錫加號

燮元贊運警化孚佑帝君命直省各建祠宇歲時享祀禮也
成都西郭外青羊宮者舊傳老君遇文始真人遺蹟

國朝康熙乙亥廉訪趙公良璧於宮之左建二仙菴正殿祀
帝君後有亭兼祀韓仙時道士陳清覺修煉於此

聖祖曾賜匾額及詩中建

御碑亭堂宇幽邃彌勝境焉年祀既久風雨所侵并榦庸庖
宋窟彫剝花殘鷺沼烟輟龍香石徑苔埋梅梁蝨蝕今資
州牧劉君炯虔奉至教遂宏勝風鳩工庀材龔椽刻桷構

道藏輯要

二仙菴碑記

臺

翼集一
川六

大殿祀

帝君而二仙亭仍其舊參差四注環之雀目之牕遠邁百尋
覆以魚鱗之瓦對錦城而特峙接金界以孤標玉晨飾翠
琬之華香嬰散朱陵之馥粹容伊穆元儀有煒靈旌常駐
飈駕斯留栖真碧落旁招園綺之儔飛步黃庭高揖松喬
之侶疏元流而蕩喧濁躋顛氣而瑩襟情上以闔陽宣德
表

皇化之休和下以祓厲除媯集蒸庶之禔福祠宇之隆不可闕
已歲在闕逢相月之靈物阜政平實歲茲事遂乃摛詞石
碱鐫墨槐眉發雲笈之七籤啟珠囊於三洞敢謂金庭石

室華陽勒真逸之銘所望碧瓦瑤堦良常鏤少霞之字辭
曰無名者道立極惟真逝矣神化淵哉妙門或隱或見閱
世閱人漢傳金泐唐精劍神猗歟

至人名登秘錄專精五龍徧遊羣嶽神超溟滓境離氛濁袖
拂青蛇詩吟黃犢朝發鄂渚暮宿蒼梧雲柳羽裳遨嬉天
衢冲襟雲逸清標鶴矚度世稱聖列仙亦儒惟我

聖清百靈受職九星同光五風異色鴻長生豫承帝休德靈昭
中樞化贊北極坤維建福井絡會昌帝之囿時羣真翺翔
靈囿奧館天隱巍堂霞摛藻井電繞虹梁象緯騰精星辰
列次嘘吸屏黔撫呵履髻八素隱文三元秘記普惠蒼生

道藏輯要

二仙菴碑記

真

翼集一

永符赤制

嘉慶十有九年秋七月四川布政使司布政使方 積撰

崇祀祝文

維

大清嘉慶二十年歲次乙亥月建己卯朔日丁巳祭日庚申

主祭官

欽命頭品頂戴兵部尚書兼都察院右都御史總督四川等處
地方提督軍務兼理糧餉管巡撫事志勇巴圖魯常明恭
統僚屬致祭於

勅封燮元贊運警化孚佑帝君興行妙道天尊之位前曰惟

帝君植根仙李託跡曇華點頑石以濟貧燒靈丹而渡世功
行超於八極道德契夫三清驅五雷而災沴全消揮一劍

道藏輯要

二仙菴碑記

毫

翼隼木一

而妖氛迅掃人天欽仰海宇瞻依久膺

綸綍之封特列春秋之祀坤維建福井絡降祥

崇祀克配乎青羊勝蹟何殊於黃鶴爰諏月吉用肅寅恭眾誠
上格於

九霄大澤願孚於全蜀尚

饗